



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

CCLIII. Gerd und Gerd von Wustrow, Gevettern, verkaufen an das Kloster
Diesdorf Hebungen aus dem Dorfe Coljebode wiederkäuflich, am 6. Januar
1419.

Nutzungsbedingungen

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

CCLIII. Gerb und Gerb von Bustrow, Gevettern, verkaufen an das Kloster Diesdorf Gebungen aus dem Dorfe Coljebode wiederkäuflich, am 6. Januar 1419.

Wy Gerth vnde gerth, vedderen, geheten van wustrow, Bekennen apenbar In dessem breue, dat wi hebben vorkofft vnde vorkopen midt vulbort vnser eruen tho einem rechten kope hern Ludolffe verdemanne, vorstender tho distorp, vor Illeben greuinghes, priorinen, vnd der gantzen samlinge darfulues vndt tho vorn dem Zeleambachte, datt nu tho desser tidt ver Berta stopes vnnnd ver ilsebe van Berthenleue vorstan, vnd al eren nakomlingen veer schillinge vnde viff marck Luneborgher penninghe Jerlicher renthe in vsem dorpe tho Coljebode, In mathias houe twe schillinge vnde twe pundt vnnnde in helmeken houe twe schillinge vnde twe pundt, alle Jar vphonehmende tho funte michaelis dage, vor twe vnd vefftig marck Luneborscher penninge, de vns tho dancke sint beret —. Were, dat desse vorschreuen houe vorwutet worden, so schuldt se erer pacht soken an acker, an wischen, an holte, an velde vnde an weide vnd an al dem, dat tho den houen hord, beide gheouet vnde yngheouet. So hebbe wi de gnade beholden, Dat wi alle Jar desse vorschreuen Renthe mogen wedderkopen vp winachten, wen we en dat vorkundigen tho funte mertens dage, vor twe vnnnd veffich marck penninghe, de in dem lande tho lüneborch ghenghe vnde gheue sin, vnde we edder nement van vnser wegen schal fick vnderwinden desser vorschreuen renthe Jennigerlei wis, se en hebben er twe vnd veffich marck lüneborgescher penninge beret in dem Closter tho distorpe sunder oren schaden, vnde setten en dar vor tho borgen vnse frundt, die hir na schreuen stan: we boldewin vam kniesebeck, wonhaftig to tilzen, vnde werner van der Schulenborch, Borgen vnd medelouer, bekennen, dat wi hebben louet vor gherde vnd gherde, veddern, van wustrow vorgeschreuen, vnde ere eruen dem vorbenomden herr ludolffe, proueste, vor Illeben greuinghes, priorinen, vor Berten Stopes, vor Illeben van Bertenschleue vnnnd der gantzen samlinge vnde al oren nakomlingen, alle desse vorschreuen stücke vnnnde ein Jewel besundern in truwen stede vnd vast tho holdende midt einer samenden handt, ane alle list effte hulperede. Wen de borgen welck affgingen van Dodes wegen, dar gott vor si, so schulle wi vnd willen en in den ersten ver wecken einen andern in de stede setten, wen se en eschen, in einem sundercken breue sunder hinder desses breues. Des tho vrkunde wi Sackwolden vnnnd borgen vnse Ingefegele vor vns vnd vnse eruen gehenget laten an dessen breff, de gegeuen is na godes bordt verteinhundert Jhar, darna in dem negenteinden Jare, In dem dage der hilligen driger konninge.

Nach einer Copie.